

百病通論

家庭醫藥常識之二
秦伯未編 方公溥校

雜 病 通 論	時 病 通 論
------------------	------------------

上海中醫書局印行

116
R24
11

百病通論

家庭醫藥常識第二集

秦伯未先生編

方公溥先生校



3 0240 6603 1

上海中醫書局印行



415000

百病通論總目

第一種 時病通論……………一至十四頁

溫病 傷寒 暑病 欬嗽 瘧疾 痢疾

霍亂

第二種 雜病通論……………十五至五二頁

虛勞 吐血 遺精 中風 驚風 嘔吐

泄瀉 哮喘 癲狂 咽喉 淋病 濁症

臌脹 黃疸 消渴 痧疹 疳積 痔漏

月經 帶下 胎前 產後 耳疾 目疾

口疾 牙疾 瘡瘍

百病通論序

夫用藥不難。識病爲難。而家庭之間。尤不可不識病之綱要。以免臨時之徬徨無措。善哉吾從弟季寅。獨有家庭醫藥常識之發刊也。從弟爲商界聞人。亦爲慈善界聞人。舉凡社會事業。力之所逮。莫不毅然任之。今歲被聘爲中醫書局營業部主任。鑒于病家之缺乏醫學常識。一旦疾疢染身。非乞靈于神祇。而浪投仙方。卽朝暮易醫。而雜藥亂進。胸無把握。心無主宰。因而輕病致重。重病致死。使枉死城中。平添千萬無告之魂魄。乃請海上名醫秦伯未先生編輯家庭醫藥常識一書。復請嶺南名醫方公溥先生詳加校訂。其用心之苦。用意之深。可謂至矣。他日者人持一卷。同具醫學智識。遇重病有把握。輕病能自療。造福社會。豈普通慈善家所能及耶。茲者第一集驗方類編已出版。第二集百病通

論又將付印。索言於余。余亦無醫學常識之人。且家人有病。亦在徬徨無措之中。爰爲略一翻閱。見全書分時病雜病爲二大類。每病又分原因診斷治療經驗爲四大綱。言淺而近。不涉醫家術語。叙證用藥。均能切要實施。不禁欣然色喜。歎爲家庭之無上秘笈。而私幸先覩之爲快。乃不辭而爲之序云。

民國十八年十二月十九日鄞縣錢餘慶序於海上千頃堂書局

時病通論 第一種

▲醫界名人之評語▼

中西匯通醫社張錫純氏曰：

實用中醫學一書。會萃國醫數千年之精華。融會一已十餘年之心得。乃有關醫學盛衰之名著。非偶然也。

全國醫藥總會蔣文芳氏曰：

按部就班。分門別類。依課本之編製。作忠實之指導。不特貢獻於醫界人士。且使民衆得以咸明醫學之常識。

蘭溪中醫專校張山雷氏曰：

不修高深。不談空理。在在以實能應用。為歸宿。與詭異奇僻之不近人情者。不可同日而語。傑作也。

醫藥新聞報社吳克潛氏曰：

網羅豐富。悉以經驗有用為歸。蓋深。有慨夫空談之徒。徒足以欺世而無裨於實際者作也。所以續墜緒而啓來茲者。其在斯乎。

最 近 實 用 中 醫 學 名 著

(秦伯未先生著述)

得其至精，可以為醫行道。
得其大概，可以充滿常識。

全書十二編要目如下：
一 生理學
二 病理學
三 診斷學
四 藥物學
五 治療學
六 處方學
七 內科學
八 婦科學
九 幼科學
十 外科學
十一 官科
十二 花柳科

全書七百餘面。用大號鉛字精印。分甲乙兩種。茲為普及起見。定價特別從廉。

甲種平裝四厚冊 實價八元

乙種洋裝一厚冊 實價十元

特價八折

中醫書局謹啓

發行處上海山東路
五馬路南廿六號

百病通論

家庭醫藥常識叢刊第二集

第一種 時病通論

■ 温病——分春温、暑温、濕温、冬温四大症

原因

（春温）春風萌動。時令温煖。腠理發泄。或感時邪。或由伏氣。責在太陰肺。（暑温）夏爲火令。赤日當空。奔走道途。熱傷元氣。津液消爍。水不勝火。責在陽明胃少陰心。（濕温）暑雨炎蒸。化生濕熱。人在氣交。感而爲病。責在太陰脾陽明胃。（冬温）冬時温煖。感而卽發。陽不潛藏。亦屬非時之氣。

診斷

（春温）脈浮而數。舌苔初起薄膩。繼轉黃色而燥。甚則轉絳而黑。微寒身熱。頭痛欬嗽。煩躁胸悶。自汗鼻衄。（暑温）頭痛壯熱。煩渴喘促。或

昏悶或汗泄。肌肉如炙。脈洪數或虛。舌光絳而乾。(濕溫)舌苔厚膩。或黃或白。身痛頭重。面垢自汗。兩脛逆冷。胸滿口乾不能飲。小便不利。(冬溫)身熱頭痛。不惡寒或微惡寒。即發熱欬煩渴。或咽痛下利。

治療

(春溫)主辛涼清解。梔鼓湯。銀翹散。桑菊飲等。(暑溫)十味香薷飲。六一散等。(濕溫)濕重用藥偏燥。溫重用藥偏清。四苓散。蒼朮白虎湯。三仁湯等。(冬溫)忌風藥升舉。宜陽旦湯。葳蕤湯等。

經驗

春溫最易化熱。以不使變現煩渴詰語。或逆傳心包而致神昏爲能手。暑溫則熱毒入內。元氣不支。瘀鬱不宣。易使奄然悶絕。濕溫不解。蒸達肌膚。必發白痞。以勻透爲佳。若瀰漫三焦。則神明蒙混。每至神糊妄言。或成瘵厥。苟非完全化熱涼膩之品。切不可投。伯未嘗見此誤事者多矣。

傷寒病一分太陽陽明少陽太陰少陰厥陰六大症

原因 (太陽) 太陽主一身之表。凡風寒客人。必先從此入。乃受邪之第一步也。(陽明) 陽明爲多氣多血之海。乃陽盛之經。其腑爲胃。邪傳至此。無所復傳。(少陽) 少陽居半表半裏之間。而爲陽樞。相火游行。症多熱。(太陽) 寒濕之邪。最易侵犯太陰。故邪入之。從寒化者多。從熱化者少。(少陰) 少陰標陰而本陽。凡眞陽素旺之人。外邪傳入。則挾火而動。眞陽素虛者。則挾水而動。(厥陰) 陰盡陽生之臟。邪犯之多。陰陽錯雜。寒熱不定。

診斷 (太陽) 風寒外束。必頭項強痛。惡寒發熱。惟傷風則時有微汗。而能食。脈浮緩。傷寒則壯熱無汗。不能食。脈浮緊。若頭身疼痛。發熱惡寒。不汗出而煩躁者。則風寒兩傷。入腑有蓄水蓄血之別。少腹滿口渴。小便不利者。爲蓄水症。少腹硬滿。小便自利者。爲蓄血症。(陽明) 前額眼眶脹痛。

鼻築築而流清。發熱不惡寒。此邪中陽明之經。口燥心煩。汗出惡熱。渴欲飲冷。此熱邪漸入陽明之裏。張目不眠。聲音响亮。口臭氣粗。身輕惡熱。大便閉結。此邪實陽明之府。若胃實腹滿而拒按。大便不行。詰語舌苔乾燥。則病勢劇。(少陽)邪在少陽之經。爲頭痛在側。耳聾善嘔。不欲食。胸脇滿。往來寒熱。小便不利。在腑爲口苦咽乾。目眩自利。若更兼少腹痛不大便。則爲少陽陽明合病矣。(太陰)腹滿而吐。食不下。時腹自痛。自利不渴。手足自溫。此太陰本病也。有陽明而見裏症者。則必腹滿時減。減不足言。(少陰)挾火而動者。必見心煩不眠。肌膚燥。神氣衰減。小便短而咽中乾等症。挾水而動者。必見目瞑倦臥。聲低息微。少氣嬾言。身重惡寒。四肢厥逆。腹痛泄瀉等症。(厥陰)張目不眠。聲音响亮。口臭氣粗。身輕惡熱。熱深厥深。上攻爲喉痹。下攻便膿血。此屬純陽症。四肢厥冷。爪甲青。

黑腹中拘急。下利清穀。嘔吐酸苦。此屬純陰症。腹中急痛。吐利厥逆。心中煩熱。頻喜冷飲。飲下卽吐。煩渴轉增。腹痛加劇。此屬陰陽錯雜症。

治療

(太陽)傷風宜桂枝湯。傷寒宜麻黃湯。風寒兩傷宜大青龍湯。蓄水宜五苓散。蓄血宜桃仁承氣湯。(陽明)宜葛根湯以解其表。白虎湯以徹其熱。三承氣湯以酌病之輕重而蕩其實。(少陽)解在經之邪。宜小柴胡湯。解在腑之邪。宜黃芩湯。解少陽陽明合病之邪。宜大柴胡湯。(太陰)以溫運爲主。宜理中湯。或加附子。(少陰)清熱宜黃連阿膠湯。溫寒宜四逆湯。(厥陰)熱者宜四逆散。寒者宜四逆湯。錯雜者寒熱互投。宜烏梅丸。

經驗 太陽病遇陽氣虛者。過發其汗。易致亡陽。若誤下則發于陽者成結胸。發于陰者成痞氣。體弱陽衰者成臟結。皆所謂壞病也。少陰病而治不如

法則陰傷火旺。舌紅焦乾。下利清水。陰津有立涸之勢。其有氣高喘促。頭汗如珠者。爲垂絕之候。厥陰病傳變錯雜。須視其厥與熱是否平均。如厥三日熱亦三日。漸至熱多厥少者。易愈。否則爲病進。總之傷寒一症。表裏寒熱虛實。無一不有。變化萬端。首須辨症精確。次須用藥貼切。庶不遷移時日。釀成棘手。此伯未十年來經驗所得。敢以忠告醫家而貢獻于病家者也。

暑病一分中暑伏暑暑厥三大症

原因 (中暑) 暑爲熱邪。多由太陽而入。陽明其應。最易耗氣傷津。津氣兩竭。勢必內燔。(伏暑) 先受暑氣。繼爲風寒所閉。漸之入內。伏于三焦腸胃之間。或秋或冬。久而始發。(暑厥) 暑穢熏蒸。鬱遏于內。閉塞孔竅。頓失知覺。此暑厥之所由。若忽然中暑。頓時神識昏迷。名曰暑迷。似厥而實

非厥也。

診斷

（中暑）身熱或微惡寒。汗出而喘。煩渴多言。倦怠少氣。脈虛數。兼風則發熱惡寒。身體疼痛。兼濕則身熱疼重。胸悶妄言多汗。（伏暑）頭痛。皖悶。漸至唇燥齒乾。內熱煩冤。或霍亂吐瀉。或腹痛下痢。或瘧疾寒熱。（暑厥）四肢逆冷。面垢齒燥。小便不通。神志昏冒。脈滑而數。暑迷則昏迷不省。欲睡懶言。手足或亦厥逆。惟不若厥之勢急耳。

治療

（中暑）宜白虎加人參湯。暑風宜黃連香薷飲。暑濕宜一物瓜蒂散吐之。（伏暑）宜黃連清膈丸。見霍亂用藿香正氣散。見痢下用木香交加飲。見瘧疾用小柴胡湯加香薷黃連竹葉。（暑厥）先牛黃丸至寶丹等芳香利竅。神甦後用生地麥冬玄參連翹心竹葉心等清之。暑迷先用星香湯加香薷。神甦後用香薷飲。急則治標。乃不易之法也。

經驗

中暑一症。起暴而勢急。延誤則邪陷而神昏。發汗則奪津而寒甚。數下則劫津而淋甚。暑迷過服寒涼。必至吐利不止。煩躁多渴。外熱內寒。狀如陰盛格陽。若再誤投寒劑。其命立傾。慎之慎之。

■ 欬嗽——分風寒痰熱虛勞痰飲四大症

原因

（風寒）風寒外襲。內入于肺。肺氣不清。上逆而欬。（痰熱）風熱傷肺。煎熬津液。鍛鍊成痰。火動陽升。乃為欬嗽。多生于春夏病溫及陽旺陰虛之人。（虛勞）水涸金枯。肺苦于燥。燥則喉癢而欬。（痰飲）脾胃陽衰。形寒飲冷。水穀不化精微。而為痰飲。漬之于肺。乃為欬嗽。或受風寒。其發更甚。

診斷

（風寒）欬吐痰濁。白稠而爽。形寒頭痛。胸悶納少。鼻流清涕。脈象浮滑。舌苔薄白或微膩。（痰熱）欬嗽發熱。痰粘不爽。或黃膩如膿。口乾欲

飲胸悶心煩。脈浮數。舌苔黃。〔虛勞〕欬嗽無痰。音低息短。內熱口渴。形質消瘦。納穀減少。脈象細數。或弦數。舌絳或薄黃。每由吐血而來。其病久。其病深。〔痰飲〕欬嗽形寒。咯痰甚多。目眩胸悶。甚則氣急。或胸背之間。一處作冷。

治療

〔風寒〕宜疎風化痰。杏蘇散。金沸草散等。〔痰熱〕宜清熱化痰。桑菊飲。清肺飲等。〔虛勞〕初宜輕清泄熱。桑菊銀翹。皆可借用。久不愈。宜補肺阿膠湯。人參清肺湯等。〔痰飲〕宜溫化滯濁。桂苓朮甘湯。小青龍湯等。

經驗 久欬總以能食爲佳。而于虛勞欬嗽。尤宜注意。否則土不生金。音嘶便澹。必爲不治之症。而用藥尤宜靜不宜動。苦寒敗胃非所宜。辛溫耗氣亦所禁。而有一見久欬。肆用滋膩補肺。卒至不起。尤爲習見。伯未曾苦口開

導無肯從者。其所謂抵死不悟。殆命也夫。

瘧疾——分正瘧、癘瘧、寒瘧、瘧母四大症

原因 (正瘧) 夏暑內伏。秋涼外束。邪踞於內。陰陽相搏。一日一作者爲單

日瘧。間日一作者爲間日瘧。三日一作者爲三陰瘧。(癘瘧) 由于邪氣內藏。陰氣先傷。陽氣獨發。(寒瘧) 暑月乘涼沐浴。感受寒邪。伏于太陰。不能外出而與陽爭。(瘧母) 久瘧不愈。瘧邪挾瘀血痰濕凝結成塊。伏于脇下。

診斷 (正瘧) 寒熱往來。發有定時。頭痛胸悶。口苦納少。小溲渾黃。脈象見

弦。(癘瘧) 熱多寒少。或但熱不寒。骨節煩疼。肌肉消燦。汗出頭痛如破。煩渴而嘔。脈弦數。(寒瘧) 多寒少熱。或但寒無熱。膈背頭項疼痛。無汗。脈弦遲。(瘧母) 寒熱間作或不作。少食。痞悶有塊。結于左脇硬痛。

治療 (正瘧) 宜柴桂各半湯。(瘧瘧) 宜柴胡白虎煎青蒿鱉甲湯。(寒

瘧) 宜達原飲小柴胡湯。(瘧母) 宜瘧母丸鱉甲煎丸。

經驗

瘧瘧不已。則狂煩躁擾。而變瘧厥。寒瘧不已。則大腹飽滿。傳爲瘧。若

夫世人一見瘧疾。卽服金雞納霜。每致斂邪于內。纏綿不愈。而醫生一見瘧疾。不分症候。輒用小柴胡湯。尤多僨事。皆不明瘧疾之原委也。

痢疾一分虛寒痢赤白痢休息痢噤口痢四大症

原因 (虛寒痢) 體弱者過食生冷。濕滯鬱于大腸。致奔迫下痢。(赤白痢

) 腸胃虛弱。冷熱相搏。傳化失職。變而爲痢。熱乘于血。流滲腸間。則赤冷氣入搏。津液凝滯。則白。(休息痢) 腸中宿挾積滯。每遇飲食不節。停飲不消。痢下隨發。(噤口痢) 瘀滯挾熱阻中。胃不能運。穀氣消燼。多因痢疾初起。早用苦寒。或溫補。陽遏于內。脾中清氣不升。

診斷

（虛寒痢）腹痛下痢。其色或青或白或黑。食不消。脈沉而滑不數。舌苔白。即黃膩亦潤澤。（赤白痢）腹痛下痢。裏急後重。至圍而所下無多。赤白相雜。腥穢難聞。脈弦滑或濡數。舌苔厚膩或黃。（休息痢）痢下無時。乍差乍發。飲食減少。四肢無力。（噤口痢）舌乾咽澀。飲食不得下。嘔噎胸悶。心煩痢不止。身熱。脈數實。

治療

（虛寒痢）宜運溫中土。升清降濁。白豆蔻湯。增子理中湯等。（赤白痢）宜化滯之外。佐以和營調氣。枳殼湯。芎藭湯。木香檳榔丸。枳實導滯丸等。（休息痢）宜溫消陳寒固積。肉荳蔻湯。溫脾湯等。（噤口痢）此症半屬不治。惟調理得宜。未嘗不可挽救。宜甘草乾薑枳實焦朮菖蒲佩蘭石蓮肉等。芳香化濁。總冀能食為佳。

經驗 虛寒痢脈轉浮大急疾。四肢厥冷者為難治。以陰盛格陽。正氣虛散故

也。赤白痢不止。勢必變劇。所下如凍如涕。或如猪肝。此脾腎內潰。精氣下脫。法在不治。休息痢不止。正氣日虛。變生脹滿。噤口痢之死期。以乾嘔口糜。氣呃爲斷。腎虛胃敗。正氣脫絕故也。至普通治痢。專事攻下。往往有痢止而脾氣下陷。肛門脹滯難忍者。非補中益氣湯不辦。伯未治痢。年必百餘人。化滯之外。兼重和營理氣。蓋和榮則便膿自愈。理氣則後重自除。故莫不應手而愈。

■ 霍亂一分寒霍亂熱霍亂乾霍亂三大症

原因 (寒霍亂) 夏月伏陰在內。加以貪受寒涼。恣啖生冷。陽氣抑遏。中焦不和。正氣不守。邪干腸胃。以致揮霍撩亂。(熱霍亂) 吸受暑穢。飲食不謹。清濁相干。氣機窒塞。水穀道路失其常度。邪犯心包。則煩滿。亂于腸胃。則嘔利。(乾霍亂) 穢濁之氣。蒙閉中焦。升降之機失常。最爲危候。

診斷

（寒霍亂）胃痛則嘔。腸痛則瀉。胃腸俱痛。吐瀉交作。肢厥汗冷。小便清澈。唇面青白。蹠臥轉筋。脈微或伏。（熱霍亂）吐瀉頭痛。發熱煩渴。氣粗喘悶。小便短赤。舌紅或黃而糙。脈沉數或伏。（乾霍亂）欲吐不吐。欲瀉不瀉。爪甲青紫。語蹇不利。腹部絞痛異常。有無可奈何之狀。脈伏。

治療

（寒霍亂）以溫臟回陽。和中逐穢爲主。輕則藿香正氣散。六和湯。重則四逆湯。冷香飲子。（熱霍亂）以清暑滌穢。芳香化濁爲主。輕則黃連香薷飲。四苓散。重則增減瀉心湯。竹葉石膏湯。（乾霍亂）以通爲主。用燒鹽熱童便沖。使其吐利。方有轉機。

經驗

霍亂之來。疾如矢石。寒者每于數小時內爪甲青黑。肢冷過肘膝。汗冷如珠而死。熱者每于數小時內神識昏迷。手足厥冷。螺蚊癩陷而死。乾者每于數小時內昏悶氣閉而死。

雜病通論 第二種

◇ 最新出版 ◇

▲女科祕方（原名竹林寺祕授女科百升症）

鉛印 平裝 一冊 四角 實價

本書為浙江蕭山竹林寺僧祕授之原稿。市上所傳之偽稱竹林寺女科。完全與本書不同。選擇者計一百二十症。凡婦科重要症候。均多詳述。首列症論。次附方藥。除原稿刊入外。並由四明名醫周岐隱君詳校。加以按語。丁濟萬題簽。尤覺名貴也。

▲秦氏內經學

秦伯未著 鉛印 平裝 二冊 一元八角 實價

本書為秦氏教授上海中醫專門學校暨中國醫學院內經時之講義。分生理、病理、診斷、治療、方劑、雜病等諸編。采詞簡要。發揮特詳。學子得之。無索然枯澁之態。故雖辭職五載。而校中仍奉為教本。洵內經中名貴之作品。初學者尤宜先手一編。以固基礎。

▲最新實驗藥物學

溫敬修著 鉛印 平裝 二冊 三元 實價

中國藥物。經東西各國之研究分析。尤見功效神奇。彰明切實。惜乎未有集新舊學說於一爐。以供有志者之閱覽。溫敬修君掌教於福建仙游縣國醫學校。專事藥物一科。承以講義見贈。亟為付印書。凡卅三章。一強壯藥。二強胃消化藥。三瀉下藥。四利尿藥。五收斂藥。六衝動藥。七祛痰藥。八解熱藥。九清涼藥。十鎮靜藥。十一鎮痙藥。十二鎮痛藥。十三解毒藥。十四寄生蟲除藥。十五興奮藥。十六緩和藥。十七變質解凝藥。十八催吐藥。十九通經藥。二十引赤發泡藥。廿一芳香藥。廿二眼科藥。廿三雜錄。各藥復分為學名、醫名、科別、產地、王期、成分、性味、效用、單方、處方、禁忌、用量、各項。都二百七十頁。

百病通論

家庭醫藥常識叢刊第二集

第二種 雜病通論

■ 虛勞——分陽虛陰虛二大症

原因 (陽虛) 人身精氣奪則虛。凡陽虛陰虛。不外精氣損傷。失其營養而已。脾肺衛外而主氣。憂思鬱結。營衛失和。脾肺虧損。則成陽虛之症。(陰虛) 陰虛以肝腎爲主。以肝主藏血。腎主藏精。精血消耗。則精髓枯竭。君相火炎故也。

診斷 (陽虛) 怯寒少氣。自汗喘乏。食減無味。嘔脹飧泄。脈見大而無力。若兼精氣清冷。目眩肢痠。膝下清厥。水泛爲痰。則爲命火衰極。(陰虛) 怔忡盜汗。欬血吐衄。遺精崩漏。經閉骨蒸。脈見數而無力。若兼顴赤唇紅。五

心煩熱。口乾不寐等症。則爲陰虛陽浮。

治療

（陽虛）宜甘溫之品。保元湯建中湯養營湯歸脾湯等主之。甚者當益火。八味丸右歸飲等主之。（陰虛）宜甘潤之品。河車大造丸固本湯等主之。甚者當補水。六味丸左歸飲等主之。

經驗

陽虛宜益陽以配陰。陰虛宜滋陰以配陽。此爲治虛勞症之不二法門。陽虛不復則變吸短倦臥。陽痿脈微等症。陰虛不復則變咽瘡音啞。色悴肌羸等症。而入勞損之門矣。

■ 吐血分臟血腑血二大症

原因

（臟血）吐血之症。縱有外感內傷。而以臟腑爲主。蓋血稟水穀精華。生化于脾。宣布于肺。統于心。藏于肝。化精于腎。陰平陽秘。何病之有。一有偏傷。或感勞怒。則迫而上升。由肺者多金燥氣鬱。由心脾者多思慮過度。

由肝者多怒動木火。肝陽獨旺。由腎者多房勞斷傷。虛不攝納（腑血）五臟皆有見紅症。六腑則惟胃有之。故或稱腑血爲胃血。以胃爲多血多氣之海。又爲溫熱之藪。熱動火升。氣逆血迫。而溢于口矣。

診斷

（臟血）欬嗽吐血。血出散漫不聚者。肺氣傷也。欬嗽吐血。兩脇作痛者。肝氣逆也。吐血而神勞心悸者。心氣損也。吐血而神疲惡聞食臭者。脾氣傷也。吐血驟至。行動喘促者。腎虛而龍燄升也。又肺血粉紅。心血赤如硃漆。肝脾血鮮稠濃紫。腎血痰唾雜紅絲紅點。尤可望而知之。（腑血）臟血來少而緩。胃血則來如潮湧。頃刻盈盆。其色鮮濃。出不卽凝。又肺血浮。肝腎血沉。胃血浮中。

治療

（臟血）屬心宜天冬湯。屬脾宜歸脾湯。屬肝宜加味道遙散。屬肺宜六味丸加麥冬五味貝母。屬腎宜青鉛六味飲。（腑血）初發時急以還

元湯飲之立定。然後投以犀角地黃湯加桃仁藕汁童便。

經驗

吐血久而不已。勢必現貧血之象。面色皸白。神疲乏力。納食不香。中氣不足。若勞瘵虛損之類。蓋血無以奉養于周身也。至于脈見實大。或小而疾。或欬出白血。似肉似肺。色作淺紅。則皆爲絕症矣。伯未曾治愈他醫。久治不愈之吐血症數十人。均歎爲神奇。門人或問其故。曰余無他巧。特行血而不補血。降氣而不降火。蓋行血令循經絡。不止自止。氣降則火降。自不溢出耳。今人一見血症。動輒止瀉。投以滋陰。愈止血而血愈不止。甚且變幻叢生。皆不明個中真理。良可慨也。

遺精「分夢遺滑精」二大症

原因

（遺精）心爲君火。肝爲相火。中年腎氣充盈。所欲不得。心火動于上。相火翕然從之。水不能藏。精隨以泄。（滑精）色慾過度。心腎氣虛。氣不

攝精。因之滑泄。更有走陽一症。氣隨精脫。尤爲危險。

診斷

（夢遺）精泄時每夢與女子交合。久則神思恍惚。脈洪弦。舌紅。有時薄黃。（滑精）無夢自遺。出于不覺。每在中年以後。氣短神疲。脈象虛細。至于走陽。多屬久曠之人。或縱慾之人。與女交合。泄而不止是也。

治療

（夢遺）相火亢甚。宜先苦寒瀉之。繼用養陰安神法。方劑如龍胆瀉肝湯。知柏地黃丸。大補陰丸之類。（滑精）宜填補收澇。十全大補丸。益精丸等主之。走陽精脫者。其女須抱定。勿使陰莖出戶。急呵熱氣于口中。以指捻住尾閭。庶可挽救。

經驗

壯年偶患遺精。乃有餘而泄。不足爲病。惟心氣不靖。陽亢陰虛。以致精遺神亂。則不爲色情發狂。傳爲癩癩。卽漸傳勞怯。爲可懼耳。近日青年多患手淫。初不過快其淫慾。繼必成神經衰弱。實較遺泄爲甚。戒之戒之。

■ 中風一分真中風類中風二大症

原因

（真中）經絡血脈臟腑空虛。風邪外襲。遂致痹閉。其中經絡者爲淺。中血脈者爲深。若臟腑爲人身之內守。邪中之其病最重。（類中）腎陰不足。陰虛生熱。因熱生風。風火挾痰上升。驟然跌仆。似風非風。故名類中。

診斷

（真中）邪中經絡。形寒發熱。身體重痛。肌膚不仁。筋骨不用。頭項強痛。角弓反張。脈浮洪或弦。中血脈者。半身不遂。口眼喎邪。左寒右熱。則左急右緩。反之則左緩右急。中臟腑者。入腑則四肢不舉。便溺阻隔。昏不知人。脈沉滑。入臟則舌瘖神昏。不能言語。唇緩吐涎。脈沉弦。（類中）四肢不收。舌瘖偏枯。甚則痰壅神昏。其來漸。其發暴。脈不浮而沉。或見微細。

治療

（真中）中經絡宜大秦朮湯。烏藥順氣散。中血脈宜黃芪五物湯。合大秦朮湯。中腑宜三化湯。中藏宜麻仁丸（類中）宜地黃飲子。

經驗 中風爲重大症候之一。中經絡而因循不治。變成癱瘓。中血脈而因循不治。必致偏廢。若邪入臟腑。最多昏厥。脈沉滑中帶和緩。尙可治。急疾無倫。則真氣將散。邪氣充斥。神昏氣急。汗出如油。不可爲矣。又若類中陰虛氣弱。傳變尤危。口開目合。氣急鼻鼾。吐沫直視。昏沉不醒。髮直頭搖。面赤頭重。山根青黑。多屬虛脫之徵。亡可立待。余歷次經驗而不爽者也。

■ 驚風——分急驚慢驚二大症

原因 (急驚) 小兒內有蘊熱。兼乳積生痰。痰火相搏。肝胆不甯。因而熱極生風。此屬內因。若耳聞異聲。目擊異物。驚然仆地者。屬外因。(慢驚) 久瘧久痢。或痘後疹後。或風寒飲食積滯。過用攻伐。或稟賦本虛。誤用寒涼。皆足致之。

診斷 (急驚) 內因者面紅頰赤。抽掣不定。夜啼煩躁。口乾。舌黃或焦黑。脈

弦滑數。外因者心虛胆怯。易恐怖。目睛呆。(慢驚)神昏氣喘。面色淡白。四肢乍清。眼翻易驚。小便清白。大便溏瀉。甚則腹中氣響。喉內痰鳴。角弓反張。目光昏暗。脈沉遲散。舌苔白。虎口脈紋青而淡紫。

治療

(急驚)內因之輕者宜鉤藤飲。重者急進牛黃涼膈丸。清心滌痰湯等。外因宜金箔鎮心丸。(慢驚)宜溫補脾胃。尤附湯。逐寒蕩驚湯。主之。經驗急驚之症。傳變最速。不急清下。必煩躁狂亂。抽搐。目斜上視而死。然用清下太過。又易轉爲慢驚。吐瀉。伯未已見甚多。不可不慎。慢驚遷延。則面青額汗。眼合口噤。手足微搐。肢冷脈微。而成慢脾風。若見身冷粘汗。直臥如尸。喘嗽頭軟。背直口噤。搖頭唇縮。氣粗痰響。則屬不治。今人以小兒爲純陽之體。猛投寒涼。因而釀成純陰之症。以死者。時有所聞。爲之浩歎。

■ 嘔吐一分熱嘔寒嘔乾嘔三大症

原因 (熱嘔) 陽明有熱。火勢炎上。胃不能下降。(寒嘔) 脾胃虛寒。清陽

不佈。濁氣不能下降。(乾嘔) 內無寒飲。熱積。祇由清濁之氣。升降失常。阻拒于胸膈之間。清曠失司而致。

診斷 (熱嘔) 食入則吐。不能頃刻停留。發熱口渴。苔黃脈滑數。(寒嘔)

口鼻氣清。吐多稀涎。寒飲。口不渴。舌白。脈沉細或緩滑。(乾嘔) 有聲無物。其聲甚厲。有時亦有甚低微者。

治療 (熱嘔) 宜瀉火緩中。大黃甘草湯主之。(寒嘔) 宜溫運脾陽。藿香

正氣散主之。(乾嘔) 不可用攻破之劑。宜藿香佩蘭陳皮蘇梗雲苓之類。

經驗 熱升不降。漸至煩躁不眠。口臭氣粗。釀成昏厥之症。寒嘔不止。漸至乾噤而不能納食。乾嘔則內無實物。久必中州脾胃之氣。隨嘔逆而俱虛。不

飢不食。羸瘦日加。故當于初起時急治之。

■ 泄瀉——分寒瀉熱瀉二大症

原因 (寒瀉) 脾虛失健。水穀不分。糟粕不化。清濁混淆。留走腸間。關闢失禁。風勝爲飧泄。濕勝爲濡瀉。寒勝爲洞泄。而皆屬陰寒。(熱瀉) 陽盛之人。時當夏令。暑濕內迫大腸。清濁不分所致。

診斷 (寒瀉) 體重無力。小便不利。腸鳴漉漉。泄瀉無度。腹痛不欲飲。脈遲而緩。舌苔白膩。(熱瀉) 泄瀉黃糜。氣臭穢濁。肛門烙熱。發熱口渴。小便短赤。或濇而痛。舌苔黃。脈數。

治療 (寒瀉) 初宜溫理中焦。次宜分利下焦。用胃苓湯。訶子散及理中湯等。(熱瀉) 以苦寒爲主。用葛根黃芩黃連湯及四苓散等。

經驗 寒瀉不已。則脈見沉遲。四肢厥冷。非大劑溫濇不能奏效。伯未曾治一

人。用附子吳萸乾薑蕪撥赤石脂禹餘糧等見功。可以爲鑑。熱瀉則日久傷陰。津液隨涸。或熱滯鬱結不解。轉而爲痢。均屬難治。

■ 淋病——分石淋勞淋血淋氣淋膏淋五大症

原因 (石淋) 膀胱熱則失其氣化之職。小便數而爲石淋。猶湯瓶久在火中。底結白碱也。(勞淋) 由思慮煩擾。負重遠行。是爲脾勞。由強力入房。施泄過度。是爲腎勞。(血淋) 熱甚搏血。失其常道。與溲俱下。(氣淋) 氣化不及州都。胞中氣脹。遂使小便點滴。(膏淋) 腎虛不能約制脂液。而下流。精溺俱出。精寒溺道。故使欲出不能而爲淋。

診斷

(石淋) 臍腹隱痛。小便難。輕則下沙。甚則下石。或黃赤。或渾濁。色澤不定。(勞淋) 小便淋瀝不統。遇勞即發。勞于脾者。溲時數痛。身體疲憊。勞于腎者。溺瀉腹脹。牽引穀道。(血淋) 溺痛帶血。血色鮮紅。脈數有加。

(氣淋)少腹滿痛。溺有餘瀝。(膏淋)色如脂膏。或如米泔。或如鼻涕。或便中如蜒蚰之狀。溺不爽而痛。

治療

(石淋)宜石燕丸二神散。(勞淋)脾勞宜補中益氣湯加車前澤瀉。腎勞宜地黃丸。(血淋)宜立效散導赤散。(氣淋)宜瞿麥湯石葦散。(膏淋)宜沉香散聚精丸。

經驗

石淋症往往沙石淤塞溺道。水不能去。脹痛難忍。西醫遇此。恆施手術。蓋實非湯藥所易奏效也。血淋最忌補氣之藥。誤服之。血得補而愈。溼熱得補而愈。盛漸至氣道不通。水道閉塞而絕。膏淋之發。責之腎虛。故有時並不疼痛。竟施瀉精之法而愈。伯未年內治淋濁病。恆在百人以上。詳細辨症。隨症發藥。每有覆杯而痊者。亦一快心事也。

■ 濁症一分白濁赤濁二大症

原因 (白濁) 腎藏天一。以慳爲事。志意內治。則精全而瀆。思想外淫。房室

太甚。則淫洩不守。輒隨洩溺而下。卽爲白濁。(赤濁) 赤濁之因。與白濁相類。由于陰火鷓張。血不及變精。卽迫而流出。以精爲血所化也。

診斷

(白濁) 敗精流溢。竅端時有穢物。如瘡之膿。如眼之眵。淋瀝不斷。不與洩溺相混。脈大濇。按之無力。(赤濁) 莖中熱痛。如火灼刀割。溺赤濁亦赤。若見鮮血。口濁時發熱。則爲尿血之候。當別論。

治療

(白濁) 加減珍珠粉丸治之。(赤濁) 猪苓湯清心蓮子飲治之。

經驗

白濁不治。久久則脾氣下陷。水道不清。與夫相火已殺。心腎不交。精滑不固。遺濁不止。皆傳變之虛候。當求脾腎而舉之。固之。赤濁有熱有瘀。固當通利。然通利過甚。往往加劇。伯未曾見數人。因此而中氣腎陰受傷。幾至不救。後用滋補下元之藥。始能轉機。可戒也。

■ 膨脹——分水臌氣臌二大症

原因 (水臌) 受雨淋濕。飲水過多。脾胃受傷。運輸失職。水毒結聚。鬱而生熱。濕熱相生。清濁相混。隧道不通。腹乃脹大。(氣臌) 七情鬱結。氣道壅隔。致上不得降。下不得升。內不干于臟腑。厥常戀于肌腠。

診斷 (水臌) 腹部脹大。外皮綳結而薄。皮色蒼黃而澤。且食不能。暮食。仍時欲飲水。脈浮大者順。細小者逆。(氣臌) 腹大皮色不變而厚。蹙蹙然不堅。按之窅而不起。四肢瘦削。喘促煩悶。脈弦緊。或沉弦。

治療 (水臌) 五皮飲。廊清飲。導水茯苓湯皆可用。甚者葶藶丸。禹功丸瀉之。(氣臌) 木香流香散。沉香降氣湯。木香順氣湯均可用。

經驗 水臌見臍突。肚現青筋。皮光如油。脈來虛小。屬不治。若四肢不腫。但腹脹大。由于脾虛不運。濁氣滯塞。俗名蜘蛛臌。為難治。又氣之與血。互為其

功。苦氣。不愈。能使血瘀而爲血。臌。

■ 黃疸——分陽黃陰黃二大症

原因 (陽黃) 濕結鬱蒸。內結不散。則爲黃疸。猶之蠶醬然也。(陰黃) 由

於寒濕內蘊。久而發黃。因寒屬陰而熱屬陽。故有陽黃陰黃之稱。

診斷 (陽黃) 一身黃色。色明如橙。煩渴頭汗。消穀善飢。小水黃赤。大便秘

結。脈滑數。(陰黃) 身目黃而色如烟熏。不若陽黃之鮮明。肢體重著。身

寒。胸痞。腹滿跳臥。自汗自利。小便渾少。渴不欲飲。甚則嘔吐。

治療 (陽黃) 宜廊清胃府。梔子柏皮湯茵陳蒿湯主之。(陰黃) 宜運脾

溫化。茵陳茯苓湯茵陳四逆湯主之。

經驗 陽黃不愈。易成黃胖症。身黃而腫。嘔吐黃水。毛髮皆直。伯未治之。用褪

金丸加減。輒垂手而愈。陰黃不愈。易成腫脹。故有疸久不愈宜補脾之語。

惟以伯未經驗而論。痘病之成。恆見於久瘧之人。或瘧後失于清理。以瘧本脾寒病也。

■ 消渴——分上消中消下消三大症

原因 (上消) 肺本燥金。心腹有火。火燥相合。隔上焦煩。乃氣分受傷。陰血

暗耗之候。(中消) 脾胃陽盛。枯其津液。故時欲飲食以濟之。(下消)

腎陰久虧。孤陽無依。肺被火爍。不能管束津液。上朝咽噎。而反輸下。

診斷

(上消) 膈上焦煩。大渴引飲。飲而善消。舌上赤裂。咽如火燒。小便頻

數。(中消) 多食善飢。精微不榮肌肉。自汗大便堅。小便數而甜。(下消

) 煩燥引飲。飲水不多。隨卽尿下。小便多而濁。腿膝枯細。骨節痠疼。

治療

(上消) 降心湯。麥門冬。飲以清心肺。(中消) 調胃承氣湯。蘭香飲

子以清脾胃。(下消) 人參茯苓散。六味地黃丸。以滋陰降火。

經驗 上消之症。不限于熱。惟以熱者爲多。中消則純由乎熱矣。下消卽西醫之所謂糖尿病。肝腎兩虧。與上中二消絕對不同治。而三消中亦以下消爲最重。不可不知。

哮喘——分實喘虛喘二大症

原因 (實喘) 肺感邪氣。氣道壅塞。升降出納失常。(虛喘) 腎元虧損。腎氣不納而上出于肺。肺爲氣衝。不能自主。

診斷 (實喘) 來驟脈實。喘時胸脹氣粗。聲高息涌。不得臥。臥則甚。膨膨然。若不能容。惟以呼出爲快。(虛喘) 來徐脈虛。喘時慌張氣怯。聲低息短。惶惶然若氣欲斷。提之若不能升。吞之若不相及。勞動則甚。但得引長爲快。

治療 (實喘) 輕者定喘湯。重者麻杏石甘湯。葶藶大棗瀉肺湯。(虛喘)

七味都氣丸。重者如人參河車紫石英青鉛紫河車等。

經驗

實症易治。攻之即愈。因循失察。則鬱化爲火。肺葉焦腐。釀成肺癰。非葦莖湯不能治矣。虛而見火從臍下逆衝而上。似喘非喘。吞若不及。爲元海根搖。虛而欲脫。急與峻補鎮攝。或可有濟。

■ 癲狂——分陰癲陽狂二大症

原因

（陰癲）多因抑鬱不遂。侘傺無聊。以致鬱痰鼓塞心包。神不守舍。有狂之意。不如狂之甚。責之心肝。（陽狂）多因七情過度。五志之火內燔。煎熬成痰。上蒙心包。以致神昏失常。猖狂剛暴。責之心胃。

診斷

（陰癲）或笑或歌。或悲或泣。如醉如痴。語言顛倒。穢潔不知。精神恍惚。經年不愈。（陽狂）善悲善忘。善恐善怒。少臥不飢。自高自尊。日夜詈罵。又好歌樂。妄行無度。

治療（陰癲）金箔鎮心丸歸神丹滋陰甯神湯等選擇用之（陽狂）生

鐵落飲三聖散鬱金丸等選擇用之。

經驗 癲症終日昏迷神明不朗。雖有經年累月而不愈者。然無變證。狂症由

七情所發。得志自己。失志加劇。亦無特殊之傳變。惟癲脈大滑爲久自己。小堅急爲不治。狂脈實大爲順。沉細爲逆。宜加細察。

■ 咽喉—分喉風喉痧乳蛾三大症

原因（喉風）虛者由于虛火上炎。實者由于痰火及風。且喉痹卽實者之重症。喉癰亦與實者相類。白喉係虛喉風之一種。皆不必另分。（喉痧）疫癘之邪。從口鼻而入。蒸騰于咽喉。漫佈于三焦。故上而咽喉疼痛。外而發現丹痧（乳蛾）熱毒蘊于肺胃兩經。結于厥陰之絡。復感風寒。凝結而成。輕者爲單乳蛾。重者爲雙乳蛾。若火毒更甚者。則爲喉疔。

診斷

（喉風）實症腫紅焮痛。痰多脈洪。甚則咽喉閉塞。湯水難下。語言難出。謂之喉痹。若腫偏一隅。痛引耳根腮下牙牀。謂之喉癰。虛症微腫微紅。咽乾脈虛。（喉痧）初起寒熱嘔欬。胸悶心煩。遍身骨楚。繼則外發丹痧。其紅點細碎如粒者爲痧。紅暈如雲者爲丹。（乳蛾）生于蒂丁之旁。形如乳頭。或如蠶蛾。或如棗栗。紅腫疼痛。妨礙嚥飲。兩旁俱生者爲雙乳蛾。一旁生者爲單乳蛾。喉疔與單乳蛾相類。但蛾圓而大。疔尖而小。形如釘尖。色紫堅硬。初覺麻癢。旋即大痛。

治療

（喉風）實症宜清咽利膈湯。虛症宜養陽清肺湯。喉間並吹玉鑰匙散。（喉痧）宜解肌透痧湯。或加減黑膏湯。喉間吹錫類散。（乳蛾）宜清咽利膈湯。喉間吹礪冰散。喉疔宜三黃涼膈湯。倍加甘草銀花地丁草菊花。外貼異功散。內吹金不換散。

經驗 喉風爲喉症中最重之症。治之稍緩。卽變危殆。喉痧因于疫毒。最易傳染。近侍之人。宜多服青龍白虎湯。至于此三症之險候。亦有可述者。喉風而面青唇黑。氣急頭汗。直視反張。鼻流清涕。六脈縹糊。爲不可治。喉痧而神識不清。自利不止。音啞氣急。爲不可治。乳蛾而熱毒內陷。胸高面黑。神昏。詰語。爲不可治。

■ 痧疹一分正痧風痧二大症

原因 (正痧) 凡小兒第一次發痧。謂之正痧。由于內伏先天之胎毒。外感天行之時氣。相觸而發。與痘略相似也。(風痧) 曾經發過正痧。復發痧子者。爲風痧。由于伏溫濕熱。得風寒之引動。鬱于太陰陽明兩經。邪從血絡而外出者也。

診斷 (正痧) 初起寒熱欬嗽。胸悶泛噁。鼻流清涕。眼淚汪汪。或作嘔噎。或

作鼻爛。三四日發出細紅之點。七日遍身發齊。八九日後痧子漸回。身熱漸退。諸恙漸減。(風痧)初起寒熱骨痛。外熱極重。裏熱不甚。或有欬嗽。亦不甚重。胸悶泛噁。舌苔薄膩。二三日見點者輕。朝出晚退。子出午收。收而後發。出沒無定。

治療 (正痧)初起宜銀翹散。熱甚宜清疹湯。發不出而氣喘者宜麻杏甘石湯。已出而神昏者宜涼營清氣湯。(風痧)宜荊防敗毒散。

經驗 小兒痧疹。爲不能免之事。總以發透爲吉。否則痧毒留中。變爲五證。五證者。歸脾則泄瀉不止。歸心則煩熱神昏。歸肝則驚惕抽搐。歸肺則欬嗽血出。歸腎則牙疳腐爛也。

■ 疳積——分脾疳肝疳二大症

原因 (脾疳)小兒脾胃薄弱。易于受傷。若乳食不節。肥甘過度。脾胃損傷。

則成脾疳。且脾虛生濕。積濕生蟲。故脾疳多兼蟲積。〔肝疳〕小兒七情
簡單。惟啼哭易動肝火。肝火挾肥甘之濕熱。蘊結爲患。則成肝疳。

診斷

〔脾疳〕面黃肌瘦。癩食喜睡。腹膨便瀉。或兼腫脹。或面色時紅時白。
口溢清涎。腹脹且痛。煩躁多啼。〔肝疳〕面黃筋露。臍腹脹大。眼生眵淚。
耳流濃水。燥渴煩急。糞青如苔。或兼兩目紅痛。流淚羞明。

治療

〔脾疳〕初起宜先攻積。消疳理脾湯主之。日久宜攻補兼施。肥兒丸
主之。有蟲宜使君子散。〔脾疳〕宜柴胡清肝散清其熱。蘆薈肥兒丸攻
其積。

經驗

疳積一病。最足阻止小兒之發育。若至羸瘦如柴。吐食吐蟲。心煩口渴。
頭骨開張。日晡蒸熱。便泄無度。爲脾胃已敗。疳熱熾盛。攻補兩難。不可治
矣。近有國醫製藥公司發售疳積金丹。專治小兒新久疳積。由海上著名

醫家共同製方。伯未曾經試用。確有特效。特誌于此。以爲介紹。亦兒科之福音也。

■ 痔漏——分痔瘡漏瘡二大症

原因 (痔瘡) 濕熱蘊積直腸。漸生紅色小瘰。積之既久。乃生痔瘡。其生于肛內者謂之內痔。肛外者謂之外痔。大抵年高陰虛火盛而患者。多爲內痔。故內痔多見虛證。外痔多見實證。(漏瘡) 痔瘡不治而潰。積久不愈。且復貪飲善啖好色。漸成漏管。不能收口。乃成漏瘡。

診斷 (痔瘡) 肛門突出瘰肉。狀如肉珠。亦似鼠奶。爲外痔。若生于肛內外不可見。肛邊痛癢難忍者爲內痔。(漏瘡) 痔瘡成管。終年破流血水。膿穢淋漓。時發時止。

治療 (痔瘡) 宣化濕熱之毒。益後湯槐角丸主之。(漏瘡) 宜補中兼消。

青龜丸主之。

經驗 治理痔瘡。務以滋益化源爲上。若專服寒涼制火。無不致禍。良以純服苦寒。脾胃日損。肺氣亦傷。脾肺傷損。則不特痔瘡不愈。諸症且從而蜂起。又若妄用刀針。藥線繫扎。鉛丸懸墜。良肉受傷。反以致害。又或屢用藥紙。致瘡內四傍新肉磨成硬管。愈插愈深。遂成漏瘡痼疾。

■ 月經一分先期後期二大症

原因 (先期) 月經超前。多屬於熱。然亦有氣虛不能攝血而致者。(後期) 月經落後。多屬於寒。然亦有內熱耗陰而致者。須詳細辨之。

診斷 (先期) 因熱者。血鮮而多。或煨煉爲紫黑色。人瘦內熱。脈見弦數。氣虛者。多在肥人。神疲力乏。納少脈微。(後期) 因寒者。色淡而少。脈遲緩。陰虛者。形瘦。膚燥。舌紅。有似乾血勞之象。

治療 (先期) 清熱用地骨皮飲。先期湯。補氣用補中益氣湯。八珍湯。(後

期) 溫寒用過期飲。滋陰用滋血湯。

經驗 伯未對於婦女病曾下深刻之研究。茲本十年來經驗所得。當以月經

病爲最重要。因能傳變爲乾血勞及不能孕育等候也。調經者雖以超前
落後爲前提。而對於多少疼痛吐衄寒熱等。務須面面俱顧。環境行爲亦
足使月經發生影響。尤宜注意。

■ 帶下——分濕熱虛損二大症

原因 (濕熱) 內經云。陰虛于下。火動于中。發爲白淫。男子之白濁。卽女子
之白帶也。肝虛生熱。脾虛生濕。濕熱入于帶脈。旁滲膀胱。時流粘液。綿綿
不絕。(虛損) 腎氣虛損。或憂思損傷心脾。或房勞精泄不固。榮衛氣滯
而成。

診斷 (濕熱)帶下白色。或兼赤色。氣味腥臭。腰腿痠痛。頭暈眼花。精神不振。面色萎黃。脈象弦數。或濡數。(虛損)帶下白薄。淋漓不止。神乏形索。納少。腹痛。腰脊痠。脈虛細而沉無力。

治療 (濕熱)宜清化主治。威喜丸加黃柏滑石烏賊骨知母之屬。色赤者加丹參當歸。(虛損)宜固澇主治。補中益氣湯加茯苓山藥蒼朮棗仁山藥黃柏木香之屬。

經驗 帶久不止。肝脾兩虛。必至形消內熱。納少。甚則口乾舌燥。火升顴紅。脊骨痠楚等症。蠶起。而在虛損者。尤使鬱鬱無生氣。生育絕望。不可不慮。于早也。伯未嘗彙攷各家學說。參以實地經歷。擬成婦女白帶丸一方。試用數十人。均見奇效。蓋自信於補瀉之間。配合得當。故補不碍邪。瀉不妨正。刻歸上海姜衍澤堂發記老藥號製售。頗蒙婦女界稱頌焉。

■ 胎前一分惡阻胞阻胎漏三大症

原因 (惡阻) 惡阻者。妊娠惡心。阻其飲食也。其因有三。一因腎水素虧。養

胎而不能養肝。肝氣上逆所致。一因脾胃所虛。胎氣上干。胃氣不得下降所致。一因素有痰飲。胎氣挾痰飲阻逆所致。(胞阻) 胞阻者。胞中氣血不和。阻其化育而腹痛也。其因有四。一因子藏受寒。血凝氣滯而痛。一因血虛肝旺。肝氣橫逆而痛。一因宿食停滯。腸胃不通而痛。一因帶脈受傷。胎將下墮而痛。(胎漏) 胎漏者。妊娠胞血漏下也。其因亦有四。一因肝脾兩虛。血失統藏。一因內熱熾盛。血液妄行。一因素有癥病。血不歸胎。一因跌撲勞動。胞中受損。

診斷

(惡阻) 經停兩三月。精神如故。惟惡心嘔吐。喜食鹹酸。此為惡阻。若頭目眩暈。脈弦細而滑者。屬水虧肝旺。嘔吐痰水。脈緩濡而滑者。屬胃虛。

有飲脈虛無苔而吐者。屬胃虛。胞阻。妊娠腹痛。名曰胞阻。若痛在少腹。形寒脈遲者。屬子臟受寒。痛無定處。噯氣脈弦者。屬肝氣橫逆。痛在胃脘。或繞臍。脈滑實者。屬宿食停滯。腹痛連腰。向下墜脹者。屬胞絡受傷。胎漏。懷子下血。謂之胎漏。若六脈虛細無力。神疲肢爽。屬肝脾兩虛。脈洪數有力。心煩口渴。屬內熱熾甚。受孕三月。胎動經漏。少腹疼痛。屬素有癥病。跌撲之後。腹痛墜脹。屬胞絡受傷。

治療

（惡阻）腎虛肝旺。宜順肝益氣湯。脾胃素虛。宜乾薑半夏人參丸。素有痰飲。宜二陳湯加砂仁香附生薑。胞阻。子臟受寒。宜加味芎歸散。血虛肝旺。宜當歸芍藥散。宿食停積。宜保和丸。帶脈受傷。宜泰山磐石散。加元延索。胎漏。肝脾兩虛。宜歸脾湯。內熱熾盛。宜阿膠湯。素有癥病。宜桂枝茯苓丸。跌撲傷損。宜救損安胎湯。

經驗。惡阻甚者。胸膈脹滿。名曰子懸。有加喘者。名曰胎上逼心。多由血不養肝。更加鬱怒而成。若胞阻而腹痛連腰。胎動不安。此爲墮胎之兆。而胎漏一症。尤易使胞胎下墮。以血失其養也。其有不墮者。則胎必不長。或臨產多困難。爲一定不易之理。

■ 產後一分惡露蓐勞二大症

原因（惡露）產後惡露大抵一月爲期。如產後卽不下者。或因氣滯。或因受涼。不及一月而早止者。氣血虛。踰一月而淋瀝不止者。非氣虛不能攝血。卽肝脾兩經虧損。失其統藏之力。（蓐勞）產婦坐草艱難。過勞心力。氣血大虧。因成勞倦虛弱諸症。或血虛陽無所依。而爲發熱自汗。氣喘虛煩等。或正虛外邪束襲。而爲中風傷寒痙厥等。或津液乾涸。而爲大便難等。

診斷

（惡露）氣滯而惡露不下者。腹中必痛。受寒者必發寒熱。早止者腹不痛。脈虛細。不止者。血多屬氣虛。色淡屬肝脾虛。（蓐勞）蓐勞切宜詳審。有邪無邪。脈象洪大滑實。舌上有苔。爲有邪。神疲肢爽。脈象虛細。舌上無苔。爲無邪。有邪爲本虛標實。無邪爲純虛。

治療

（惡露）氣滯宜生化湯。或失笑散。受寒者加炒荊芥肉桂心。痛甚者加延胡索。氣血虛宜八珍湯。氣虛不攝。宜當歸補血湯。肝脾兩虛。宜歸脾湯。加阿膠川斷。（蓐勞）有邪者。佛手散中酌加祛邪之品。無邪者。氣虛宜補中益氣湯。血虛宜四物湯。

經驗

惡露不行。則積久成塊。臍下堅痛。俗名兒枕痛。或流入經絡骨節之間。爲腰痛脇痛。遍身疼痛等。至于蓐勞之屬純虛者。大補氣血。尙易圖治。惟本虛標實者。最難爲力。總之經帶胎產。爲婦女之四大病症。症情複雜。變

化滋多。一有不適。卽宜就診醫生。庶免因循延誤爲要。

■ 耳疾一分耳聾耳鳴二大症

原因 (耳聾) 耳爲腎竅。腎主藏精。精虛則不上榮于竅。而失其聰明。(耳鳴) 耳雖腎竅。但手足少陽之脈。俱會其中。少陽主相火。風火痰氣上逆。亦能使耳不聽。則皆爲耳鳴之類。

診斷 (耳聾) 腎虛者昏昏曠曠。脈見細微。病後精血不足者。眼目黑花。脈

奕弱而小。(耳鳴) 肝胆火升者。如聞蜂鳴。口苦咽乾。脈象弦數。痰火上
升者。氣粗欬嗽。脈象滑數。

治療 (耳聾) 腎虛宜滋陰地黃湯及左慈丸。病後宜腎氣丸加磁石龜版

主之。(耳鳴) 肝胆火宜龍胆瀉肝湯。痰火宜龍薈丸主之。

經驗 耳聾耳鳴。往往與他證雜見。惟世以耳聾多屬虛。耳鳴多屬實。不知耳

鳴亦有虛證。辨之之法。以手按之而不鳴或少減者虛也。手按之而愈鳴者實也。

■ 目疾——分目赤目障二大症

原因 (目赤) 有內外二因。外因不外風熱。內因不越肝火。所謂目不因火則不病也。(目障) 有內外二種。內障屬血虛氣鬱。外障屬風熱上壅。

診斷 (目赤) 兩目白眼。紅絲交錯。迎風流淚。畏見日火之光。甚則瀉痛。上下皮亦腫。得之外因。兼寒熱頭痛脈浮數。得之內因。兼口苦脈弦數。目障(內障者。外似好眼。而不能照物。不痛不癢。惟瞳神之內。有隱隱青白。外障者。上下胞胨肉。蒼蠶磨蕩其睛。久而生翳。在眼外暗遮。

治療 (目赤) 內因以清肝爲主。瀉肝散。外因兼散鬱。白蒺藜散。(目障) 內障以補養清肝爲主。補腎磁石丸。外障當散。皂角丸。

經驗 目赤有纏綿不愈者。久則兩目昏糊。神光漸耗。因而失明者。正復不鮮。目障均能失明。更屬危險。患此者。速延專家治之。

口疾——分口瘡口臭二大症

原因 (口瘡) 此症有虛實之分。實者由于過食膏粱厚味。脾胃積火上升。虛者由于七情色慾太過。心腎虛火上炎。(口臭) 此症有寒熱之分。寒者譬如陰濕留垢。熱者譬如暑天腐肴。然其所以上升。皆由胃氣不降。

診斷 (口瘡) 瘡色豔紅。滿口闌斑。甚者腮舌俱腫。脈實口渴。此爲實症。瘡色淡紅。滿口白斑微點。甚者陷露龜紋。脈虛不渴。此爲虛症。(口臭) 臭如酸胖。苔膩不渴。飲食噎滯。此爲寒症。臭如糞穢。口渴引飲。胃納甚旺。此爲熱症。

治療 (口瘡) 實症宜涼隔散。虛症宜四物湯加黃柏知母丹皮。(口臭)

熱症宜甘露飲。寒症宜平胃散加藿香佩蘭。

經驗

口瘡雖屬于火。然有服涼藥久不愈者。此因孤陽上亢。當用七味地黃湯冷服。引火歸原。甚者附子亦可加入。以爲引導。從治之法也。

■ 牙疾——分牙痛牙疳牙衄三大症

原因

（牙痛）陽明胃火循經上升而痛者。爲胃火牙痛。少陰陰虧。陽亢于上而痛者。爲虛火牙痛。胃火上升。風寒外束。熱被涼遏而痛者。爲風火牙痛。肥甘濕熱。化生牙蟲。蛀蝕齒敗而痛者。爲蟲牙痛。（牙疳）此症多生于小兒。小兒陰氣未充。脾胃薄弱。肥甘厚味。恣意嗜啖。以致陽明積火。蘊蒸于上。或加以暴噪啼哭。肝火妄動。或加以疹痘之後。餘毒留戀。遂成（牙衄）此症多屬于熱。然有虛實之別。虛火牙衄。由于七情色慾。不知自節。陰水虧耗。不能濟火。實火牙衄。由于膏粱厚味。恣食太過。熱積于胃。循

經上升。

診斷 (牙痛) 牙齦紅腫疼痛。喜寒惡熱者。胃火也。牙齒浮動。痛而不腫者。虛火也。惡風發熱。痛引頭腦者。風火也。蝕損蛀空。牙敗而痛者。蟲也。(牙疳) 初起口有臭氣。漸至齒黑。牙齦作爛。腐臭難聞。熱甚則牙縫出血。血聚成膿。甚則牙齦腫紫硬。腐穿顛頰。牙齒搖動。寒熱往來。形肉瘦削。(牙衄) 口臭煩渴。牙齦腫痛。齒不搖動。血出甚多。血色鮮赤者。實火也。口不臭。牙齦微痛。或不痛。齒牙搖動。出血點摘不多者。虛火也。

治療 (牙痛) 胃火宜清胃湯。虛火宜玉女煎。風火宜涼膈散。蟲痛宜韭子

薰法。噙一笑丸。(牙疳) 胃火宜蕪荑消疳湯。肝胃火宜蘆薈消疳飲。痘

後餘毒宜清疳解毒湯。(牙衄) 實火宜清胃散。虛火宜六味地黃丸。

經驗 牙齦腫痛。雖多屬火。大忌過用涼寒。須參內經火鬱發之。結者散之之

義。牙疳失治。則齒均脫落。面色光浮。氣促痰鳴。頤頰見骨而死。蓋熱邪疳氣直壅上焦。其變甚速。故有走馬看牙疳之喻也。

■ 瘡瘍一分癰疽二大症

原因 (癰) 外受風熱。內蘊火毒。榮衛不從。逆于肉理。乃生癰腫。久則熱勝肉腐而爲膿。膿熟而潰。(疽) 外受風寒。內蘊痰濕。榮衛不從。結于筋骨之間。乃成爲疽。久亦漸化爲膿而腐潰。

診斷

(癰) 憎寒壯熱。口渴脈數。外症焮熱紅赤。高腫疼痛。七日癰成。漸漸生膿。至四十日。膿已成熟。潰後先出黃白稠膿。次出桃花膿。次再出淡紅水。痛隨膿出而減。四圍疆塊漸消。腐肉漸脫。新肉漸生。(疽) 初起狀如粟米。不紅不腫。木硬不痛。色暗無光。瘡根散漫。不易化膿。甚至有一年半載而始成膿者。潰後膿水清稀。臭穢不堪。或空倉無膿。生衣如甲葉不脫。


孔中結子。如花含子之狀。最難速愈。

治療

(癰) 初起宜仙方活命飲。若大便秘。宜內疎黃連湯。七日之後。宜托裏消毒散。潰後宜托裏排膿湯。(疽) 初起宜陽和湯。十四日後。宜神功內托散。潰後宜十全大補湯。若大便溏。宜托裏建中湯。

經驗


凡身體衰弱而患癰症。如火毒熾盛。失于清解。必致內攻于心。大渴煩燥。惡心嘔吐。雖有救治之法。終屬難挽。膿已出而身反熱盛者。亦爲壞症。以癰之得膿。猶傷寒之得汗。汗出而身反熱者。傷寒之壞症也。疽屬陰。毒發五藏。每易反攻于內。致現神昏驚悸。氣喘便溏。囊縮等敗症。若潰後膿出如粉漿。如污水者。謂之敗漿。氣血大虧。不治之症也。按瘡瘍種類甚多。名目極繁。千緒萬端。不勝枚舉。右所述者。略舉端冕。閱者如欲進求。可購吾友許半龍著外科學大綱一書參攷之。



華民國十九年一月出版
華民國三十年三月三版

家庭醫藥常識第二集

百病通論一冊 實價國幣三角



編輯者 上海 秦伯

校訂者 普寧方公

發行者 上海中醫書

總發行所 山東路帶鈎橋廿六
上海中醫書

印刷者 國光印書

上海南成都路新大沽路
電話三三七四三

